

tura, sumach, plantag. polygono, foliis & baccis myrti & similibus decoctis in aq. fabrorum & vino acerbo, quo tamen remedio caute utendum.

Ad colicum affectum à flatu & humore pituitoso causatum excalescentibus, exiccantibus, incidentibus, admixtis anodynis, ut ex origano, calaminth. hyssopo, nepeta, satureia & similibus seminibus calidis, item lini, fœnugræci, alth. baccis lauri, baccis iuniperi, floribus chamomel. meliloti, decoctis in aq. quibus portio vini albi addi potest.

Ad dolores tibiæ, ubi nimius dolor à tensione flatulenta, vel humoribus causatur, præmissis tamen vniuersalibus, parabitur ex herbis maluæ, alth. & violar. thapso barbato, floribus chamom. meliloti, sem. lini, fœnogr. in quod decoctum tepidum, æger tibiæ immitat.

Similis fere lotio ad menses promouendos conficitur ex herbis matricialibus, cuiusmodi sunt arthemisia, matricaria, calamintha, nepeta, melissa, additis floribus chamom. meliloti, quibus decoctis nonnunquam & cineres adduntur. Quæ diebus aliquot ante tempus menstruorum utendum est.

Sic & lotio pedum, imo & brachiorum in febribus ad conciliandum somnum, parabitur ex decocto folior. violar. lactuæ, portulacæ, cucurbitæ, sem. papau. albi, lactuæ, sem. frigidor. tam maiorum, quam minorum.

Ad humores contumaces præparandos ex plantis emollientibus, attenuantibus & incidentibus sunt, qui infusus parant.

De